

DE
SANCTI SPIRITUS
ADVENTU.
ORATIO

HABITA IN SACELLO PONTIFICIO

Ad Sanctissimum Dominum Nostrum

CLEMENTEM XII.
PONTIFICEM MAXIMUM

A THOMA ODESCALCO

Seminarii Romani Convictore

ANNO MDCCXXXI.



ROME, MDCCXXXI. Typis Antonii de Rubeis in via Sem. Romani.

SUPERIORUM PERMISSU.

CLEMENTI XII.

PONTIFICI MAXIMO.

THOMAS ODESCALCUS
FELICITATEM.



UAMQUAM solemnī , con-
suetāque celebritate Divini
Spiritus adventum recolit Christianus Orbis , si
tamen jucundissimam voluptatem , quæ in omnium
vultu se prodit , BEATISSIME PATER , animad-
vertas , communis letitiæ partem , & causam
Te esse maximam intelliges . Præstantissimi enim
Beneficii nos admonet latissimus iste dies , cum
peculiari colimus Religione Divinum Spiritum ,
quo videlicet Auctore Pontifex Ecclesiæ concessus

es. Cujus quidem Beneficii tantus existit fructus, ut planè cognoverimus, cur tam diuturnas esse Christiani Populi preces passus sit beneficentissimus ille Spiritus, cujus tam facilis est in homines, tamque profusa liberalitas. Eximiam scilicet Ecclesie suae Pastorem cum destinasset, veritus quodammodo est, ne in conferendo Beneficio celeritas ejusdem pretium minuere videretur. Atque nos quidem ipsi magnum aliquid animo augurabamur, ac longam expectationem meritò solabamur; neque enim tot precibus, nisi præclarum quoddam, atque excelsum bonum debuit obtineri. Tantus enim vero, Te Pontifice renunciato; perpetuis, atque amplissimis Domini Spiritus in Ecclesiam suam muneribus accessit cumulus, ut quod publico, privatoque ejusdem commodo postulamus, per Te facile nos consequi posse speremus, cum in Te uno summa rerum sit constituta. Hæc cum dico, Orationem istam, quam in amplissimo, gravissimoque totius Orbis confessu nuperrimè habui, ità ad Te pertinere intelligis, BEATISSIME PONTIFEX, ut nihil tibi magis deberi putes. Atque ità fiet, ut non ego audacter fecisse videar, qui illam ad Te deferri, tibi que dicari voluerim, cum id jure ipsa suo quodammodo postularet, & maximum ego illi splendorem accedere ex eo intelligerem, quod tuum nomen, ac patrocinium præferat.

ORA,



ORATIO.



MISSUM è Cœlo Divinum Spiritum Ecclesiæ tunc recens institutæ meritò gratulamur; Invideremus injuriâ: Neque enim ut sublata ex oculis Apostolorum species ignis celeriter fuit, ita sese ab Ecclesia subripuisse Divinum Spiritum quisquam credide-

rit. Fovet illæ etiamnum, alitque Ecclesiam, & qui nascenti vitalem impertivit calorem, rudemque finxit, atque formavit, idem confirmatam, jam, adultamque nutrit: Ut immissi Divini Spiritus beneficium, non breve illud, & fugax, sed constans, atque perpetuum fuerit. Paracletum, igitur hæreditario quasi jure à Christo relictum Ecclesiæ,

(VI)

clesiæ, cui peculiari quadam ratione continenter adsit, ita mihi posse videor confirmare, ut nihil illi utilius, præclariusque accidisse nemo non intelligat.

Etenim cum alia multa, tum illud præcipuè humana inter, ac Divina Beneficia discriminis intercedit, ut fluxa sint illa, & caduca; pleraque hæc diuturna, atque perpetua. Atque ut de hac rerum Universitate fileam, in qua nihil, quod ad usum, nihil quod ad delicias, ornatumque pertineat tot annorum spatio excidit, ac defecit, sensus profectò illos Cœlestes, quibus ad pietatem, excitamur, totò vitæ cursu experimur. Quæ sanè beneficia cum diuturna Deus esse voluerit, an maximum illud, quod immisso Divino Spiritu collatum est in Ecclesiam, minùs absolutum, perfectumque beneficium fuisse quisquam arbitretur; præsertim cum non ad privatam, sed ad publicam Universæ Ecclesiæ utilitatem pertineat? Reparator profectò noster Sanctissimus, cum semel ad homines descendisset, nunquam deinceps præsentia suæ desiderio laborare Ecclesiam passus est; Verùm, sese nobiscum: *Usque ad consumationem sæculi* fore confirmavit. Id autem Divino quoque Spiritui constitutum, cum in orbem dilaberetur, esse Ecclesiæ pericula postulabant, quam Tyrannorum violentia, Hæresum doli, fraudesque ita erant jactaturæ, ut nulla prorsus naufragii evitandi spes esset, nisi opportuno flatu irruentem in scopulos Divinus Spiritus avertisset, offusamque illi noctem ignis sui luce oblata dissolvisset. Jam si quæ consequi Divini Spiritus præsentiam debent, animadvertamus,

(VII)

mus, illum adhuc apud nos esse, perpetuòque mansurum palam profectò fiet. Quæ enim de Paraclito pollicitus Christus est: *Ille testimonium perhibebit de me*; Et rursus, *Docet vos omnem veritatem*, ea perfici abundè conspiciamus. Extremas nimirum orbis Regiones Divino Spiritu procurante pervasit Religio, Templà Christo excitari, arasque erigi iussit, Nationesque ad ejus venerationem penè universas traduxit. Quod si in iis, quæ aut credenda, aut agenda proponuntur, aliqua cuiquam dubitatio injiciatur, Religionis hoc domicilium, sedemque Ecclesiæ adeat, quam ubi adhibuerit in consilium, ~~et~~ *ille omnem* sibi evelli scrupulum, dubitationemque sēserit, eique Divinum adesse Spiritum planè intellexerit. Verùm quid argumentis in re tam manifesta opus est? Cum enim suam in eo Christus Ecclesiæ fidem obligaverit; promissis illum non stetisse putare nefas est. At pollicitum apertè esse sacræ testantur Litteræ: *Rogabo Patrem, & alium Paraclitum dabit vobis, ut maneat vobiscum in æternum*. Quid quod Ecclesiam suam tot ornamentis, iisque perpetuis Spiritus ipse Divinus instruxit, atque auxit, ut jam integrum illi non sit, quam sibi tanto studio sedem comparavit, eandem deferere? Tantam enim Fidei integritatem, tantam virtutum conjunctionem, quæ fieri possit, ut is vehementer non diligat, *qui pascitur inter Lilia*? Liceat enim verò Ecclesiæ palàm profiteri, ità se Divinum Spiritum tenuisse, atque amplexam esse, ut illum nunquam deinceps ab se dimitteret. Atque utinam tot tantisque rationibus sibi tandem sinerent persuaderi perpetuum Di-

Jo. 15.

Jo. 16.

Jo. 14.

Cant. 2.

Cant. 3.

(VIII)

Divini Spiritus Domicilium in Ecclesia constitutum esse quicumque novarum rerum studio ducti Parentis optimæ sinu sese eripuerunt, aliamque apud se Ecclesiam per summam impudentiam mentiuntur existere. Nobis quidem illud est ad hanc veritatem statuendam gravissimum argumentum; quod & Ecclesiæ Principes illos renunciat Divinus Spiritus, in quibus amet residere, & eos amat, in quibus residet.



LAUS DEO.